

Anochi di Apertura na e Restaurant mas Romantico riba nos isla:

The Old Man & The Sea...

STA. CRUZ – Sra. Osyth Henriquez y su yiu homber Jonathan Vieira a ricibi dignatarionan na nan restaurant nobo, esta “The Old Man & The Sea” na Savaneta, cu un sin fin di champaña Frances, cortesía di Aruba Trading Company. Osyth ta posee e mente creativo y mannan artistico cu tabata responsabel pa e bunita restaurant aki, cual ta situa banda di lama, permitiendo bishitantenan pa come cu nan pianan den santo, of na e bunita area priva di comemento cu ta situa na final di un pier,

bao di un palapa grandi. E restaurant ta tanto intimo como espacioso. E playa ta dorna cu algun mata di coco chikito y mata den potchi, y e pista di baile tambe ta traha cu un lugar pa e piano di Jonathan, kende ta un musicante bon conoci riba nos isla. E bunita kelder di biña ta hopi varia y Osyth su studio di arte ta habri na publico como parti di e cas principal, na man drechi di e cushina habri.

Varios area di lounge ta diseña pa haci e experiencia despues di cena mas relajante cu e cena mes.

The Old Man & Sea, un creacion elegante di e duo di mama y yiu, ta romantico, comodo y awor ta habri pa negoshi na Savaneta 356-A, algun cas pabao di The Flying Fishbone, un restaurant cu a wordo desaroya y diseña pa Osyth algun aña pasa. E restaurant ta habri di dialuna pa diasabra, di 6 p.m. pa 10.30 p.m. Pa reservacionnan yama Tel.: +297 735-0840 y pidi pa Elbert Vriend of email: reservations@theoldmanandthesea.com.

